

doc for 文川网
入駐商家
在文川网搜索古籍书城 获取更多电子书

中國方志叢書·華北地方·第二二六號

據


清·王榕吉、汪鳴和等纂修
清·咸豐十年刊本

影印

河北省

定州續志

(全)



成文出版社有限公司印行



10098776

中華民國五十八年 月壹一版

定州續志

全一册

發行人：黃 成 助

出版者：成文出版社有限公司

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

序

道光己酉長白寶夢蓮觀察

山纂修州志承舊志失修之後百有
廿年慨然起而任之網羅放失攷古
証今職要職詳燦然大備其事可謂
獨難其志可謂勤且勞已序之終篇
曰今日勉為其難後之君子可以善
為其易豈猶待難為之時而後為之

docsriver 文川网
入驻商家 古籍书城

在文川网搜索古籍书城 获取更多电子书

而凡例所載或十年一編輯或十五年一編輯續諸全書之後不煩改纂謂其事易而費少時近而紀密也嗚呼立法周詳用意深至其屬望後之司牧為何如哉計前志告成距今已十稔矣其間風會之遷流政令之張弛習俗之華樸戶版之增減駸乎有月異而歲不同者倘不

登諸簡策坐視其沉滅散

拾則數年數十年之後或有女觀察
其人者慨然起而任編輯之役而茫
茫墜緒文獻無徵徒致歎於承啓之
乏人是前賢勉為其難今並其易為
者而竟置之可乎哉自去歲中觀察
數數致書以纂續為言羽檄旁午勢
不暇顧今將移守順郡亟延紳士與

學博議之詢謀僉同分任採訪爰取
十年以來興養立教諸大端及忠孝
節義之可風者薈萃成編尾綴前志
之末用備採擇非敢自附作者之林
蓋首循前志成例亦庶幾慰觀察期
望之志云爾

畧

咸豐十年歲次庚申春三

賜進士出身

誥授朝議大夫 記名道前署保定府知

府現署順德府知府定州直隸州知

州山左王榕吉撰



矢少納言

ノ

定州志序

夫求治之道患蔑古而泥古亦非士大夫未出徃徃自詡操用世之具誓曰不愧古人一旦牧民而好高者不屑取法事事動與古違或有步趨前哲昧乎因時制宜之道者其失亦均然則可以棄書而非古乎曰否古之為治者具詳之史矣綜朝廷都邑之

大而彙其得失雖偏隅之化椽吏之
能無不書俾後之人觀感奮興化裁
悉當豈淺鮮哉至今史仍其舊董狐
之司有其官而一州一邑各有其志
程史之散見者也志之創修責在牧
令而牧令亦曰志而獲圖治之益舉
夫貞淫廉懦既可維持人心而水旱
農桑亦以周知民隱至山川風

輿版藉歷如指掌前賢之政可式焉
先民之利可復焉而又準之以因時
酌之以因地無蔑古之心無泥古之
弊而求治之道乃備定州古重鎮也
今為畿南衝要

天子以其為保定屏障牧是土者必重簡
賢能歷數其人多循良焉刺史長山
王公治定六年州政大治人和歲稔

百廢具興與前刺史長白寶公政聲
相埒今年春以擢順德守去予以輶
材奉大吏奏調斯州下車惴惴深恐
有負斯民政墜前刺史之政且昧于
時地之宜因求州志讀之深悉戶口
殷繁風俗醇茂與夫韓蘇政迹歷久
彌新令人徃復低徊矍然興物愛心
臧之思焉跡其志綱舉目張詳覈典

要其中文獻足徵興革皆備蓋州志
自王廬陵修後百二十年来無過而
向焉者夫士大夫鞅掌風塵跼蹐於
簿書旁者多矣勞形役志而星野田
賦風土文物漫不加察焉旱潦既無
其備一旦烽烟告警而山不知險城
不知湟倉黃債事莫知所終又安望
其搜掌故而振風俗哉則非惟此邦

之不幸抑亦守土者之羞也向無寶
公則百餘年中之事既湮沒不彰而
舊志亦日以散佚焉良法美意亦等
諸荒烟蔓草而已嗟乎莫為之前雖
美不彰莫為之後雖盛不傳乃益歎
寶公之創修是志既有王廬陵以待
之於前而必有王公以繼其後者夫
豈偶然哉予不及見王廬陵而幸識

二公且稔其賢今二公行矣而書來
將屢詢民事若於民憫憐不忘者并
以續修州志之未畢事者囑予予學
殖荒蕪何足勝任且經前刺史殫慮
竭思搜羅考訂予益幸坐享其成也
今而後亦惟深求諸志法前政而鑒
得失以期曰時曰地加于民者無竭
蹶焉如王廬陵之序曰志者識也有

所得輒識于心不怠乃能隨時而見
諸施行者實與予無蔑古況古之說
近竊願心識之而質諸二公夫

咸豐十年庚申夏五月知定州直隸
州事吳縣汪鳴和序



docsriver 文川网
入驻商家 古籍书城

在文川网搜索古籍书城 获取更多电子书

前志序曰賢宰牧為治必實有裨於
民物實能繼乎文獻而后志可輯志
可續是則志之言志續輯乎志識其
實也夫史以實而可信即志以實而
可徵實不容沒者亦實乃足傳古之
修志者皆然而今尤重焉前志修於
夢蓮寶公迄今十稔時甚近耳近則
凡事不至淹其實而亦不能飾其實

此志之續以近定為例即以近勤為
修所謂紀密而事易者良有以也然
亦有難者蓋時近則乍疑無可修細
數不勝修且修則決去取判是非考
故訂新有未可以冒焉為者况今修
之事甫舉而舊郡伯蔭堂王公將去
焉新郡伯少庵汪公方來焉將去則
欲修者有及修有不及修矣方來則

當修者或暇修或未暇修矣而二公
之汲汲於修者又必及時成焉乃慰
其勤求吏治之懷此修之尅期以待
而假襄於樸也樸才謏陋本不勝任
而數十年馳驅於外又久荒筆墨而
未稔事情修之事何敢任也不敢任
亦不敢辭謹先約列節目請鑒定於
二公而後合一州之耳目以資見聞

與同人博加採訪廣為搜羅舉凡應
輯者悉按節目以輯之節目未詳者
亦依類附焉不敢言續也又何敢言
志亦第識其實而已矣識其實庶舊
郡伯之已見於治者可概觀新郡伯
之即見於治者可酌取則實存而事
不稍淹者亦實在而事無所飾也查
天文地理前志已詳者無可續所續


十年來教養諸端與忠節可風皆覈
其實以識之則編成以附前志採擇
畧備或少慰二公裨民物繼文獻之
實懷而寶公之實心寶政亦由是而
前後可續也已中山張樸謹識



大
久
保
示

大

三



續修直隸定州志銜名

編定

記名道順德府知府前定州知州王榕吉

蔭堂山東長山進士

賞換花翎運同銜現任定州知州汪鳴和

少庵江蘇吳縣附生

在籍前四川順慶府知府張樸

小波本朝舉人

分校

定州州

同張淑高

梅岑山東歲貢生

定州學

正劉文華

杏林天津舉人

定州訓

導金士榮

莘園河間廩貢生

定州吏

目李維駱

梅卿浙江鄞縣附生

銜名

分編

舉人三河縣教諭吳廉善

舉人山東候補知縣同知銜田樹德

舉人同知銜王灝

舉人候選教諭陳彤

生員議敘入品張謙

附貢生張四達

廩貢生候選訓導張書圖

九品職銜王守中

採訪

九 品

職

銜張四術

生

員張書田

廩

生張 瑋

廩 貢生 候選 訓 導劉玉田

拔 貢生 候選 訓 導吳培源

廩 生楊植隰

廩 生常鳳翔

廩 生王毓辰

歲 貢生 候選 訓 導牛辛未

生 員耿玉珠

生

員邸惠民

生

員杜鴻泰

武

舉薛飛鵬

直隸定州續志目錄

卷之一

學校

書院公稟並批示 條規十二則 院規十則 地畝租數 生息款項 增廣學額

祭祀

歷年奉文從祀賢儒

賦役

歷年題准豁除糧銀裁減工食

卷之二

職官

本州兩縣文武官員

仕進

本州兩縣文武仕進 事實附

封蔭

本州兩縣文武 封贈 恩蔭 人瑞附

科舉

本州兩縣文武科舉

卷之三

忠 歷年奉文陣亡弁兵

節 採訪節婦
孝婦烈婦附

卷之四

藝文 記 說 傳 序 古今人詩

軼事 定武蘭亭

docsriver 文川网
入驻商家 古籍书城

在文川网搜索古籍书城 获取更多电子书

直隸定州續志

學校

學校爲政教之本此前志所以列入政典也書院事宜學校中之要者州有定武書院創修繼修歷經前郡伯加意作養而積久不免廢弛自咸豐七年官紳定議先於延聘山長校課諸生之事明定規條力除積弊以期務收實益至經費所需除捐備外凡地畝租數生息款項亦無不詳爲稽核嚴加整頓謹按事宜先後條列於篇終以增廣學額尤見編戶急公卽仰邀

恩獎無已云